

Na osnovu člana 90. Zakona o javnim nabavkama Bosne i Hercegovine ("Službeni glasnik BiH" br. 39/14), a nakon provedenog Direktnog sporazuma, zaključen je

UGOVOR

o pružanje usluga ljekarskog pregleda

I UGOVORNE STRANE

KJP „ZOI'84“ OCS d.o.o. Sarajevo, Sjedište: Alipašina bb, 71000 Sarajevo
koga zastupa direktor prof. Kenan Magoda
Identifikacijski broj: 4200347000004
(u daljem tekstu: **Naručilac**)

i

Javni Zavod za zdravstvenu zaštitu zaposlenika MUP-a Kantona Sarajevo, Sjedište: Alije Isakovića 3, 71000 Sarajevo, kojeg zastupa v.d.direktor dr. Sanjin Saračević
Identifikacijski broj: 4200084310003
Identifikacijski broj obveznika PDV-a: 200084310003
Transakcijski broj banke, ime i sjedište banke: 3383202251113444 Unicredit banka dd Sarajevo (u daljem tekstu: **Izvršilac**)

II PREDMET UGOVORA

Član 1.

Predmet ovog ugovora je pružanje usluga ljekarskog pregleda KJP ZOI'84 OCS d.o.o. prema pozivu Naručioca broj 3072/19 od 07.11.2019. godine, i ponudi Izvršioca broj 32 od 08.11.2019. godine, koji su u prilogu ovog ugovora i čine njegov sastavni dio.

Član 2.

(1) Predmet ugovora obuhvata ljekarski pregled zaposlenika KJP ZOI'84 OCS d.o.o. kako slijedi:

- a) ocjena radne sposobnosti specijaliste medicine rada sa zaključenim mišljenjem, uz procjenu i obavljanje potrebnih osnovnih lab. nalaza i ostalih pretraga;
- b) neuropsihijatrijski pregled;
- c) izvještaj o izvršenim pregledima.

(2) Izvršilac usluga se obavezuje da izvrši usluge iz stava 1. ovog člana za 125 uposlenika za koje se Naručilac obavezuje dostaviti ime i prezime i radnu poziciju koju obavlja u KJP ZOI'84 OCS d.o.o.

Član 3.

(1) Ljekarski pregledi obaviti će se u poslovnim prostorijama Izvršioca usluga ul. Alije Isakovića 3, 71000 Sarajevo.

(2) Dostavljanje rezultata ljekarskih pregleda vršiće se na sljedeći način:

- a) nakon obavljenih predmetnih ljekarskih pregleda u prostorijama Izvršioca usluga, izvještaj sa rezultatima za sve uposlenike, neposredno će preuzeti Mensud Baručija .

III CIJENA I NAČIN PLAĆANJA

Član 4.

(1) Ugovor se zaključuje u iznosu od **5.000,00 KM** (Slovima: pethiljada i 00/100 konvertibilnih maraka) bez uključenog PDV-a.

(2) Ponuđena cijena za ljekarske preglede iz stava 1. ovog člana, ne može se mijenjati u toku trajanja predmetnog Ugovora o javnoj nabavci.

Član 5.

(1) Naručilac će izvršiti plaćanje u roku od 15 dana od prijema fakture.

(2) Izvršilac usluga će izvršiti ispostavljanje faktura po sukcesivnoj isporuci pruženih usluga prema izvršenoj usluzi i cijeni preciziranoj u ponudi Izvršioca usluga.

IV STUPANJE NA SNAGU I RJEŠAVANJE SPOROVA

Član 6.

(1) Ovaj ugovor stupa na snagu danom obostranog potpisivanja od strane ovlaštenih lica ugovornih strana i traje 3 (tri) mjeseca, odnosno do njegovog potpunog izvršenja. Ugovor se smatra izvršenim kada Izvršioc izvrši sve stavke ugovora.

(2) Ukoliko Izvršioc usluga u odgovarajućem roku i na ugovoren način ne bude izvršio ugovorene obaveze, dužan je za svaki propust i/ili započeti dan kašnjenja isplatiti Naručiocu iznos od 50,00 KM, a najviše do 10% od ukupno ugovorenog iznosa.

Član 7.

Svaka ugovorna strana može pokrenuti postupak raskida ugovora ako druga strana ne izvršava ugovorene obaveze, uz otkazni rok od 15 dana.

Član 8.

Eventualno nastale sporove pri realizaciji ovog ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

V OSTALE ODREDBE

Član 9.

Izvršioc nema pravo, u svrhu izvršenja ovog ugovora, da zapošljava fizičke ili pravne osobe koje su bile uključene u pripremu tenderske dokumentacije, ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

Član 10.

Za sve što nije regulirano ovim ugovorom primjenjivaće se odredbe propisa Zakona o obligacionim odnosima u Bosni i Hercegovini.

Član 11.

Punovažne i obavezujuće su samo one izmjene i dopune ovog ugovora koje su ugovorne strane sačinile sporazumno i u pisanoj formi.

Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.

Za Izvršioca

dr. Sanjin Saračević, v.d. direktor

Datum: 19. 11. 2019. godine
Broj: 04-1-519/19



Za Naručioca

Prof Kenan Magoda

Datum: 26. 11. 2019. godine
Broj: Broj: 3283/19

